

Nuorttanaste

„Jesus Kristus, Ibmel barne varra,
buttesta min buok suddost.“

„Jesus Kristus læ ikti ja odne oktagaga
ja agalaš aiggai.“

Nr. 17.

14. jakkegærdde.

»Nuorttanaste« maksa ovta kruvna jakko-
dagast, blađde dinggujuvvu juokke poasta-
rappe bokte.

15. September 1912.

»Nuorttanaste« olgusboatta guovte gerde
manost — dam 15ad ja dam 30ad bæive
juokke manost.

Dat duotta ja dat værro dolla.

Dat læ buorre, atte olbmust læ okta liegga vaibmo ja buolle vuoigņa.

Dak læk šaddok Ibmel Bassevuoinast, alme dolast. Mutto læ nubbe dolla, mi læ vuollen čiegnalasast. Juokke sajest, gost Ibmel vuoigņa golgatuvu, læ vašalaš bargost suppet su dolas ædnam ala fillim varas olbmuid. Gæččadekop mi vešaš dam duotta ja dam værre dola, atte mi varotep ječamek satan gielain.

1. Ibmel vuoiņa dalla occa olbmu vaimo sisa. Dat suddada vaimo, viddeda dam buok buorrai, adda dasa halidusa buok buore maņņai; ja rakisvutta læ buok dam dollanjuokčamin.

2. Dat værro dolla dugjo duše oaive ja jurddagi sist. Daggar oavive jurdaša ollo, mutto bargost i boade i mikkege. Ja go daggar oaive lieggana de časko vaibmo. Dam duotta bassest læ liegga vaibmo ja davalaš miella.

Dat duotta dolla Ibmel Bassevuoinast vaimost bibma ja opasmatta sielo su ibmelvuoda biebmoines ja famoines.

dat værro dolla harlda sielo navcaid alma duottavuodast biebmačetta daid. — Dat læ dego šaddoin ja gordnin. Laddam šaddo ja gordne læ buorre biebmo rubmaši; mutto go dat rakkaduvvu alkoholān, de dat dakka olbmu jukkam dam sagjai go dat galgaši biebmat. Nu læ

maidai Ibmel sanin. Go Ibmel Bassevuoiņa bigja evangelium sane vaimo sisa, de læ dat dego laddam gordne ja šaddo, dærvas ja galletatte biebmo. Mutto go dat sæmma sanek sisabigjujek gærbmašest su værro čilggitusaidesguim, de dugjojek dak dego gordnest rakkaduvvum garra jukkamušak.

Man cælkemættos surggadlaš dat dadde læ, go olmus jurdaš moft satan alelassi fillida sieloid valdededin Ibmel buttes sanid njabmasis ja čielgge daid su ječas mielas mielde. Daggar čilggitus Ibmel sanest dakka olbmuid garremiin.

3. Dat duotta dolla dakka vuoiņa olbmu siste hui vuollegažžan ja rakislažžan.

Dat dovddujuvvu suobman čuogjamest, muodost ja sielo siskaldes heledusast dakkam varas buokai vuostai buore. Mutto dat værro dolla dakka vuoiņa olbmu siste garasen ja naggaren. Suobman šadda garas ja čalbme vavjagen, olmuš šadda naggaren. Daggar olmuš halida alelassi soade fievredet, ja bagjelgæčča dūm duotta kristalaža.

4. Dat duotta dolla Ibmelest bakke sisa olbmu siskaldes luondo sisa ja čiegnalen dakka olbmu siskaldes ællem Ibmelin, dat bajas čuvgge sielo čiegos gammari cakketta suovastægje oaffar ja jorggalatta miela æmbo ja æmbo erit daina olgoldas dingain ja čokke daid dam čikkujuvvum ællem sisa Ibmelin.

Dat værro dolla njiddu ja suovasta. Dat dikta ječas mærkašuvvut. Dat vigga dakkat nuft ollo — erinoamačet olgoldasat; dat čuorvvo allaget j. n. v.

Dat duotta dolla maidai dugjo juoga, mutto i daddeke ane su dagoides mitton su bassevutti, ige dat dubme nubbid nuft garaset, gæina vel oaidnage vaillevuoda. Dat ibmelvuoda dolla vigga alelassi læt olles duodalaš ja vuoiggad, olles ovtagærddan j.n.v. ja vigga čiekkat ječas Ibmel sisa čiegnales vuollegašvuodain.

5. Dat duotta dolla occa alelassi Ibmela ja adda sudnji gudne.

Dat aleda Ibmel su golmagærddasaš almostusast. Dat værro vuoigņa valdda ješ gudne ja rameda addaldaga adde sagjai. Ibmel læ okta angeres Ibmel ja ige dato juogadet su gudnes æraiguim. Mailmest gavdnu ollo kristalaš æppeibmel balvvalus. Mi sardnop davja, atte bakkenak balvvalet æppeibmelid ja dat romalaš katolikarak balvvalet basid, govaid ja sakramentaid.

Mutto gavdnu vela finasebbo æppeibmelbalvvalus, go olmuš luovosgaikku buristsivdnadusa buristsivdnedægjest ja rakada æppeibmela ječas dovddamušain ja mærradusain, ja sardneda daid Ibmel buttes sane sagjai.

Dat duottavuodast Ibmel vuoinast čuvvgijuvvum olmuš i difte maidege boattet ječas ja Ibmel gaski. Son datto, atte gæidno galgga læt alo ravas.

Dam duotta dolast liegaduvvum olmuš aibaša alelassi sieloid bestujume maņņai ja viddedet armo rika ja fievredet oskolažaid čiegnalebbut Kristus dievasvuoda sisa.

Dat værro dolla gæččala maidai vuottet maņestčuovvoid. Dat

hukse ječas daggobokte bajas, atte dat vigga nubbid vuolasnjæiddet. Dat dikta bæstekøettes sie-loid orrot rafhest, mutto vigga oskolažaid oažžot jorggalussi. Dast i læt fabmo suddolažaid jorggallet ja damditi vigga dat billedet Ibmel olbmuid.

Mi ællep dal guktoi aigid siste. Dal balkkestuvvu dolla ædnam ala sikke bagjen ja vuollen. Gæccal vuoinaid lægo dat Ibmelest!

Brævak.



Jabmam.

Daggobokte muittaluvvu dat laittasis saka, atte Tana giella Sami oskaldes usteb, Johan Erik Isaksen Stappogiddest, læ jabmam dam 29ad august bagjel 70 jage boaresn. Su buccam aigge lei hui oanekaš. Son læi okta laddam muorje Høerra šaddomuorast okta min giella boares sardnedægjin. Dam lakai guorranet Sion muvrak Harra galle su vanhurskesvuodastes eritviežža su agalaš illo gammarasas maid son læ valmastam, su manoides. Nuft læ boares Stappogiedde Johan Erik eritvassam buok ædnamlas vaivin dam basse baikkai, gost son dal læ lavlodemen gittosa sirdnedæg-jasis ja bæstasis.

Suovaši Herra armostes, atte soames gažžares siello muitaši maid dat vanhurskes su æleledines læ ravvim. Muittak dæddeke æppeosko fangak su ravvagid ouddalgo mañned šadda.

Bonakas dam 1—9 1912

N. Pavelsen.

Guovddagæinost

čalluvvu:

Gæsse læ læmaš muttom dafhost buorre. Suoine šaddo læmaš buorre nuft cækkit. Mutto juli mano čouaskemak — galbma davvebieggak orrostatte suoidne šaddo. Mutto fast august mano algost šadde liehmos dalkek, mutto de šaddai lagjim aiggegis, ja ollo suoidne šaddai maidai billašuvvat go uccan læi goikko. Mutto dak, gæk æi læm hoppoi lagjon, ožžu hui buorrelagjodakid

mañnel. Suoinek goikke daðestaga go lagjijuvvejegje.

Potetosak æi šadda favdnadit deike, go juli manost juo valdi buolaš kaalaid muttom baikin. Potetos i læk go luobman maðe.

Luobmanak æi læk šaddam dam jage deike.

Hilljanes poasttavuogje fertte læt son gutte vuogja poasta Ladnatjavre ja Bosskoppe gaska. Son oažžo poasta Bossegoppest gaskavakko dimo 4 mañnel gaskabæive ja i olle Ladnatjavrai ouddalgo duorastak ækkid dimo 6, vaiko man buorre dakke ja uccan poasta — i æneb 40 kilo dæddo — Ja dak poast doalvvok, mak gaskal Ladnatjavre ja Guovddagæino doalvvot poasta, šaddek vuorddet Ladnatjavrest 3 bæive, ja go ožžuk poasta, de ferttejek mannat nuft garraset, go poasttarappe læ garas dam alde, atte 1 oasta galgga joavddat — — — — —

Olle nuorra nissonak læ jabmam dam jage min ucca suokanest.

Dam have im čale æmbo Savam atte vare min ucca „Naste“ ain boadaši ja ožoši ænebodoallid. Dærvuodak buok Nuorttanaste“ lokkidi ja mielde-barggidi.

Guovddagæinost, 25 august 1912

Klemet. Mortensen.

2be brævva Guovddagæinost.

Čalestam moadde sane min bladdai „Nuorttanastai“ sagaid muittalam varas min guovlost.

Lajoin læ ænaš oasse gærgadam, suoidnešaddo læ læmaš davalaš buorre. Åra šaddoin i gan-nat sardnut maidege. Guovte vakko gæcest læ mikkalmasbæive, de algga nannoset šivit bie-bman ja bista gidda miccamar rag-jai. Vissa soames, gutte læ mad-deles assamen jurddela, moft gan-nata dobbe šivit doallo, ja æra ælatus gæidno læ smavis dalo assin dabe.

Dærvasvuotta læ joksege buorre olbmuid. Sielo dilalašvuoda birra i gullu arvvalæmen oktage, mi vissa læ laitas gullat dam blade redaktørai.

Dam gida manai jabmen sevd-njis læge čada vel dat okta siello, gutte mainaši boatte æltem birra. Vissa su dovdek ædnagak. Su namma læi Ole Isaksen Hæt-ta. Son læi lagabuidi 100 jage

boares ja læi hui arvost adnujuv-vum olmai sikke aleb ja vuoleb gærde olbmui gaskast. Mon jak-kam atte son læ bæssam dam nokkamættom rafhe ja ilo sisa. Gal su mañemuš bæivek dam æl-lemest æi læmge illo bæivek. —

Dal algga min manai skuvla, mi bista 12 vakko. Dat læ mu mielast ila gukka ja anger dag-gar biedgos suokanest. Dasa vela gaibbedek manaid nuft nuorran — 8 jagest juo, daggarak æi lifči erit bijatatte vanhemi lutte oud-dal 10 jage. Mu mielast orru skuvla ordneg ila garas nuftgo maidai lifči savvamest atte skuv-lijægjek galgašegje læt æmbo rak-kasa bondi vuostai.

Mon jakkam, atte manga smavva bondi šadda gal vaddesen makset 42 kruvna ain mana ou-dast manost ja ællet vel galgaši nuftgo mudnjige. Åra lakai dat dadde læ Suoma Samin. Dobbe manna skuvlaolmai vissa birra ja-gge daloi mielde ja skuvlle 2—3 vakko gudege baikest ain jage vuollai, ja dam fertte olmuš ima-štallat, man čæppek dak 9—10 jakkasaš manak juo læk lokkat ja lavllo. — — — — —

Hæitam dam have. Divvosek jierbmalebbo olbmuk, jos læ boastot šaddam. —

Ollo dærvuodak must buck blade doallidi ja ænemusat Ame-rikai ja Alaskai, gost læ ollo oap-pasak.

14—9—1912.

M. Siette.

Maid okta min mielde-barggin čalla redaktørai:

„Mon læm dudnji sagga git-tevaš, go læk mudnji addam dam vuogasvuoda, atte barggat mielde juoga lakai oudedam varas min rakis blade „Nuorttanaste“, mi læ læmaš mu duotta halidus, dai-na doaivoin, atte mon sattam 'æt maidai vækken mielde-barggat dam stuora fidno, mast mi Samek ber-rep vuorddet aige mielde stuora šaddoid ja okta buresivdnadusa bæivve vissa dæivva min ucca naš-sonaš jos fal mi Samek gillap barg-gat, atte min mañest boatte sōkka aiggo dovddat min bargo ja git-tevašvuodain dam vuostai valddet

ja ain viddasebbo dam oidedet dassado Same olbmuk goccajok ja oidnek buok daid vaddoid ja vaillevuodaid, mak vuolas njeiddek dam ucca sogača.

Uccan dile diti ferttem mon häitet dam have.

Doaivom, atte mon ain sattam dsadet dudnji arvvad doallid min bladdai, go oažžom vebaš jottet.

Vieljalaš dærvuodaiguin.

Din balvvalægje

Josef Pedersen.“

*

Dat min mielbargge čala læ illodattam mu vaimo, ja mu vaimolaš savaldak læ, atte vare juokke nuorra Sabmelaš nuft jurdašifči, ja i dušše jurdašifči, mutto maidai dagaši dam sëmama min blade viddedam varas. Mi gittep dam nuorra usteba daid doallid oudast maid læ saddim ja savvap sudnji buorre likko dam bargo vuolde.

Min nubbe kommišsonæra Lævnja oustagaddest, John Josefson, bargga maidai stuora ælljavuodain viddet min blade. Son læ arvvad odda doallid juo fidnem min bladdai. —

Havske læ migjidi daggar nuorra Samiguim oapasmuvvat. Ibmel buristsivdneokus din dam mavsolaš bargo vuolde!

Redaktøra.

Kvittereg-lista.

2be jakke-njeljadasast læ čuovvovaš addaldagak sisaboattam Bonakas rok-kusvistai:

John Ellila Tana	Kr. 2,00
Ida Listrøm —	„ 0,20
Nils A Holm Polmak	„ 1,00
Petter Pettersen Nyborg	„ 1,00
P Eriksen Sirna Polmak	„ 1,00
Johan Vigilius —	„ 0,10
Anna Kirsten Karasjok	„ 0,50
Marja Rødle Tana	„ 1,00
Erik Eriksen Smalfjord	„ 2,00
Okta abonent „Sami ustebdst“	„ 5,00
Holmstrand	
Anna Kjelseh, Moss kvf.	„ 20,00
Dat Lutheranalaš Samisærvve Stavanger	„ 100,00
Per Bigge (lista bakt čoaggam	„ 28,15
Birger Thingstad Finkongkjeien	„ 10,00
namatæbme —	„ 0,50
Ole Saba Øskarnes nuorab	„ 0,25
Anders Bitte Sieda	„ 1,00

Nils Johansen joks Polmak	„ 0,50
Karen B Nilsen Finkongkjeien	„ 1,00
Lina Sætter —»—	„ 0,50
Lars Rabben —»—	„ 1,00
Inga Olsen Jalve	„ 0,50
Ole Johansen Marit Vestertanen	„ 1,00
Saba Olsen Stappogieddest	„ 1,00
Ole Bitte Vestertanen	„ 0,50
Gavpeolmai L Pedersen Kæilost	„ 1,00
Johan Jørgensen Finkongkjeien	„ 0,50
Fru Marje Øvre Tana	„ 5,00
namatabme Tanast	„ 5,00
Hans Jessen Lerpollen	„ 5,00
Petra Jessen —»—	„ 1,00
Emil Jessen —»—	„ 1,00
Petter K Jessen—»—	„ 1,00
Saba Eriksen Stappogiedde	„ 3,00
Magga Eriksen —»—	„ 1,20
Ragnhid Olsen Geresbukt	„ 1,00
Sarak Persu Smalfjord	„ 2,50
Maret Persen —»—	„ 2,50
Elen Samulsen Gavesluft	„ 0,50
Gavpeolmai Ole Sabasen kjeila	„ 10,00
Johan L Jessen Lerpoleu	„ 2,00
Per J Persen Lavonjarg	„ 2,00
Ole E Jessen Lerpollen	„ 0,25
namatabme Smalfjord	„ 0,50

Oktibuok kr. 224,00

Go mon dam sisasaddim, de kvitterim daggobokte daid vuostai-valddum ruđaid ja maidai gittam buok addaldaga addid. Maññel 18ad juni læ galle boattam mælgad ruđak, mak maññel kvitterijuvujuk.

Mutto ain vaillok ollo ruđak ouddalgo mi sattep oastet materialai, maid birra læ boattam dietto, atte dak makset Raddovudni kr. 1525,00 æreb bapari, spikari ja glasai, ja vel gaddaisuvddem, gæsetæbme ja bajasbigjam j. n. v.

Bonakas, 1—9 1912.

Dærvuodaiguim

N. Pavelsen.

Alaska-brævva.

Mon læm læmaš Alaskast 13 ja-ge ja læm ællam burist. Mon læm erit Garašjogast ja læm vuolggam dal le go Amerika stata viežžai Sami Alaskai. Dam rajest læm mon jottam manga sajest. Mon læm orrom Cap Nomest dam jage 1904 ja dast mannim Golovini, gost mon gavdenm buorre baike ja asam dast oktan akain. Moai elle luossabivdoin, ja godde jagest 10,000 luosa. Luossahadde læ 54 evre kilost. Monnost læmaš dam ragjai valljogas ællemlake, Ibmeli gito.

Giđa aige čuognagak bottek nuft valljes, atte oažžo baččēt čuđid mielde.

Dallego mon legjim riegadam ædnamest, de jottem mon ædnag sajin, mutto im mon gavdnam maidege buorre timestus baikid. Mon jottem dalle luossabivdost Garašjogast ja Lagesvuonast. mutto im mon likkotam maidege. Mutto dal læm gavdnam daggar buorre baike, mast læ valljogasvutta, imge darbaš gukkas mannat guolastet, dat læ jure stoppo-uvast. Dabe læ sagga gæppasebbo oažžot dollara go Norgast ovtá evre. Ja mon hælidifčim, atte buok mu sokka boadeči deike.

Ollo dærvuodak Garašjoga oappasidi.

Per. Andersen.

Golovin. Alaska

Maid Newyork adna jage sisa.

Dat læ suottas oaidnet, man ollo okta stuora gavpug adna daina davalaš ællamuš gaskaomin ja man stuora summa dat sadda.

Biergost adnujuvvu 880 miljon pund 176 miljon dollar ouddi.

Mielkest 800 mill. liter — 64 miljon dollar.

Vuoast 139 miljon pund — 58,650,000 dollar.

Manin 150,501,630 duolto — 45 miljon dollar.

Davalaš viessoadnemlaibin 900 miljon gappalaga — 45 mill. 150,489 dollar.

Sokkarest 400 miljon pund — 82 miljon dollar.

Loddin ja ječa navdin 20 miljon dollar.

Potetosin 750 miljon pund — 15 miljon dollar.

Gulin 150 miljon pund — 15 miljon dollar.

Kaffin 45 miljon pund — 11, 250,000 dollar.

Šaddoin j. n. v. 5 miljon.

Vuosta's 28,900,000 pund — 4,632,960 dollar.

Tæjain 5 miljon pund — 2 miljon dollar.

Hærtain 5 miljon pund.

Æra smavva dingain viesoadnu adnujuvvu 644 mill. 683,449 dollar æreb dam mi adnujuvvu vinai, fina jukkamušaidi ja alkoholi.

Nuftgo oidnujuvvu de æi læk smavva summak, mak adnujuvvujuk miljongavpugest.

Vehaš „Nuorttanaste“**deaimatusast.**

Okta sisasaddijagje Alaskast(Sab-melaš) saddi gieskad ovta dieđitusa min blađđai. Dat i sate sisavalddujuvut, go namma i læk bigjum vuollai.

Sæmmast dieđetovu min lokkidi atte nr. 1. ja nr. 12. Nuorttanastest i ožžujuvu šat, dastgo dak læk nokam.

Imašlaš mailbme.

Avisak muittalek, atte okta Kristiania stuoramusbuolleviine gavpalažain Andreas Løvlie, læ skenkin 30,000 kruvna ovta odda rokkus-vistai Paulus særvve-goddest Kristianiast.

Su ječas blade

berreši juokkehaš doarjot stuora viš-salvuodain. Olmuš satta ollo dakkat videdam varas su ječas blade, vai dat ain cævca.

Ja dat satta dpatuvvat euvovvaš lakai:

Atte læt abbonenta blađest, ja makset dallanaga.

Atte bigjat buorre sane blađe oudast æraidi.

Atte ožžot æraid doallat blađe.

Atte eallet dasa ja muittalet oddasid.

Atte dieđetet dast.

Jos æi dak namatuvvum dingak šadda dakkujuvvut, de šadda dat blađe vahagen.

Muittek, atte min ječamek blađe læ »Nuorttanaste«. Dam berreši juokke Same bæraš doallat. — Jos 10 procenta Norga Samin doalašegje »Nuorttanaste«, de lifēi dast dal 2000 — guokte duhat doallek — ja de gal cævcaši blađe hui burist, vaiko vel bæle stuorabge šaddaši ja vel davjeb olgusboadaši.

Goas galgga dat bæivve euvgo-det min našonast?

Aimo-girddim

læ dal davaláš. Æi olbmuk oru balo valddemen, jos vel soaines sorbma-suvvage.

Gieskad girdi okta ruota lœitnant Stockholmast Upsalai 45 minuttast.

Son mieldesfiievredi 78 kilo avis poasta, mi galgai Upsalai ja daggo birra-si. Gal dat juo læ obba poastavuogje.

General Nogi

Japanest læ sorbmin ječas Su halidus læi jabmet kœisarin oktanaga.

Maidai su æined sorbmi ječas. Nogi læi dat generala, mi vuiti Port Artur dallege ruošain soada.

Čakča

læ dal boattam, ja dat havskes gæsse nokkam.

Dal læ buok buoremus mærreret, man ollo šivitid galgga dalvvai bigjat. Giđđag læ ila maņņed mærreret dam aše, dastgo dalle læ oamek juo alggam gillat hæde. Læge damditi varrogas juo čavča aige, dalle an ik ješ æmb) avke du ominad ja oamek æi šalda gillat maidege hedid.

Okta tuiska aimskipa

læ girddam Hamburgast Kjøbenhavni Tuiskalažain læ vissaset buoremus aimskipak.

Bačča sanek.

Okta aidno bačča sadne satta billedet viesorafhe bærrašest gukkes aiggai. Okta unokas gæččastak satta suppet sævdnjadvuođa obba vieso doalatusaid bagjel, dam sagjai go okta mogje satta euvyget vel daid sævdnjademus dimoige. Nuftgo hærvvarasek, mak hærvatek min gæino, nuft illodattek usteblaš sanek, usteblaš dagok ja okta ladislaš dæivadoebme dam basse bai-ke, mi goččuduvvu sidan. Man fuodne sida læš, go fal dušše mogje ja ustebvuotta dobbe gaydnu, de datte vaibmo dievva halidusain dokko aibašet buok mailme šlamast. Daggar sida datto alelassi euvyžžot jurddagest nuftgo dat eabbasemus dielkko æd-nam alde.

Tyrkia ja Italia.

Dal daida vimag nokkat soatte Tyrkia ja Italia gaskast.

Roald Amundsen

rakkana dal garraset Davvepola vuolget occat. Son jotta dal Madanorgast ja doalla saga Madapola birra. Son gudnejattujuvuu juokke sajest dego gonagas.

Guokte ruošaskipa

læ duššam gieskad Sameædnamest Arcangeli jodededin. Nubbest duššai mandskappe.

Salledbivddo

læ dal nokkam aibas dabe Vester-aalast. I cœra sajinge gullu favdnadet.

Diedetusak:**Muittek, atte****„Nuorttanaste“****adressa læ:****Skjoldehavn.****Samegiel bibalak****ja Odda Testamentak**

ožžujuvujek Gamvik Fiskerhjemmest mu bokte.

A. Hillervik, Gamvik.

Josef Pedersen Bevkop, Kolvik

ja

John Josefsen Lerpel, Porsangen

læva »Nuorttanaste« kommissønærak. Sodnost matta blađe dinggujuvut, nuftgo maidai maksujuvut.

Dalvve-garvok!

Bæska, galsogak, gistak ja viergegapper, adnum mutto burist ragjum, vuvdujuvujek hui halbbai. Garvok læk ucces olbma garvok. Bæska miesenakin. Oaste eallus

Nuorttanaste expeditioni, Skjoldehavn

Loga dam!

A. Larsen samegiel muittalus girje „Bæivve-Algo“ læ dal olgusboattam. Dam girjest læ 80 bæle ja maksa kr. 1,10, porto 5 øra.

Girje satta dinggujuvut mu bokte.

A. Larsen,

Repparfjord, Finmarken.

Okta Samegandda

bæssa skræddar-oppi mu lusa dallanaga. — Occc eallus mudnji

Skrædder Aslaksen,

Hammerfest.

Okta Samegandda

bæssa bakar-oppi mu lusa dallanaga. Occc eallus mudnji darogilli.

Baker Fr. Lund,

Hammerfest.

»Nuorttanaste« ealle, prenttejægje ja olgus-adde læ

Ole Andersen, Skjoldehavn, Vesteraalen.